



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Replica Ioan. Eckii Adversvs Scripta secunda Buceri  
apostatæ super actis Ratisponæ**

**Eck, Johannes**

**Ingolstadii, 1543**

**VD16 E 416**

Bucer contra episcoporum ordinem in senatu Imperij.

**urn:nbn:de:hbz:466:1-30106**

tionibus pontificis valedicant, indictionem quoque Concilij Tridentini contemnant. At olfacio excucullati vaftricis emveretur ne incendium Germaniæ per votifragos monachos & periuros sacerdotes suscitatum per Oecumenicum Concilium extinguatur. Ideo hæretici oēs Concilium oderunt peius angue: duntaxat vrgentes vt conciliabula, & spelūcæ latronū, & cōuenticula ex farina suorum hoīm cōgregentur: at beatus vir qui nō abñt in cōsilio impiorum.

At quid non audet effrenis excucullatus frater olim ex mendicantium ordine, cum temere submoueat prælatos et abbates ex confessu Imperij, ac si mendicus ille exititius ac vagabūdus, sacri Romani Imperij senatum in manu haberet, illuc locaret quos vellet, aut locatos expelleret. Cum à tempore cōstituti ordinis Imperialis assumpti fuerint prælati, vt non ignobilia membra Imperij, quo tempore nullus adhuc ordo mendicantium approbatus extabat. At hæc cacodæmon ex odio religionis illi suggestit & exulcerata inuidia, qui cuperet nullam religionem extare, nisi apostatarum.

Porro quis non excretur extremam apostatæ temeritatem qui ortum hæresum Zuinglianæ & Lutheranæ dicit esse tempus visitationis nostræ, & maiori impudentia dicit deum nos paterne & misericorditer ista visitatione reuocare, cum euentissimum signum sit irati dei, qui nos intus hæresibus, & foris flagellis Turcicis affligi permittit. Et Germani præcipue experti sumus, quantis calamitatibus pressi fuerimus à Lutherismo orto vsque in hanc diem. Quantum profecerit exercitus iam in Pannonia, qui vix ausus fuit, etsi numerosus, Budam in sex mensibus vel semel aspicere, perpetuo Germanorum opprobrio nemo non nouit: vt pueriliter iactet apostata, copias tam cōsentienter & prompte in Hungariam ab Imperio missas cum magna iactura impensarum, inedia quoque & morbo

Arrogat  
bi Bucius  
porestatē  
in ordinē  
Imperij.  
Episcopi  
in senatu  
Imperij  
antiquo.

Tēpus hæ  
resum, tē  
pus uisit  
ationis.

CONTRA BUCERVM

morbo multis milibus in expeditione desideratis. At quæ potuisset esse spes victoriæ & rei bene gerendæ de exercitu, in quo erant tot impij & blasphemij hæretici, Sacramentarij, Iconoklastæ, dei ac sanctorum contemptores, excuculati monachi, periuri sacerdotes, qui contra veterum principum & bellatorum Germaniæ consuetudinem, nullos habuerunt sacerdotes, vix vnum & alterum, qui pro more Christiano tremenda sacrificia altaris pro salute exercitus, & pro necessitate ecclesiæ, D. O. M. suppliciter offerret. Rogemus dominum, ne totam Christianitatem finat periclitari ob hanc hæreticorum perfidiam: Sed respiscētibus hæreticis & perfidiam agnoscētibus Christianissimo Imp. nostro Carolo det de hostibus fidei felices successus, ac speciosos triumphos: Qui viuit in secula deus benedictus, Amen.

EXCVSSIO RAPSODI

matum Buceri.

Diuisio  
scripti Bu  
cerici.

222

**L**Ectoris Christiani habentes rationem, partimur incōditam nugarum Buceri cōgeriem in tres partes: prima de Luterismo & Luteris, & de hæresi extirpanda per Cōcilium nationale, pingua habet mendacia. Secunda continet aliquos articulos Ratisponæ tractatos, cum verbosissima peccati originalis disceptatione. Tertia pars multis sophismatibus contendit homines sola fide iustificari. In his arbitratur Bucer veram ecclesiæ doctrinam, & cæremonias consistere. Orditur autem farraginem nugarum suarum à magnis mendacijs, nihil reueritus illustris D. Ludouici, Domini à Prato venerandam & Christianam integritatē affirmat enim plurimas controuersias fidei Ratisponæ esse compositas, & quæ maximæ existebant restare paucas numero, & non adeo magni momenti. Huiusmodi commentis vult imponere optimo principi, & incautum fallere Lectorem. Verum nos contrarium ostendimus ad oculum (vt aiunt) uere respondisse catholicos principes Augusto Cæsaris

Cæsari: Solum scilicet illos articulos conciliatos minoris momenti, & de quibus inter doctos antehac non magna fuit controuersia, & qui non tantum offenderunt populum Christianum, sicut reliqui non reconciliati, quibus tamen fides Christiana precipue nititur, vt sunt articuli de veritate corporis & sanguinis in eucharistia, de eius sacramenti adoratione ac reseruatione, de laicis non vtraque specie communicandis, de confessione ecclesie, de poenitentia & satisfactione, & similes: qui adeo non sunt conciliati, vt etiam vehemetissime sint ab aduersarijs impugnati, nec esse spem super illis conciliationem fieri posse. Et euidenter principes Lutherani testantur, cum finito colloquio in responso diuo Imp. dato solum tres articulos concordatos exprimunt, & eis opponunt non concordatos maximos. Recitauit catholicorum principum responsum in Apologia. Verissima autem principes catholicos respondisse Cæsari, ego euidenter commonstro aduersus impudentiam Buceri in eadem Apologia: ad illa oportebat Bucerum respondere, & se virum declarare: at illis præteritis, quibus nequit etiam respondere, verbosissime corrasit porteta verborum ad dementandos homines periculosos ac damnatis suis hæresibus. Ruit ergo ex adductis in Apologia totum Buceri fundamentum in hac dicaci farragine: pergamus tamē lapsus eius denudare, & quàm frustra diuus Imp. & catholici principes nitantur concordiam doctrinarum cum hæreticis facere, ac si vnquam tenebræ cum luce, & perfidia cum fide concordari possint.

Excursurus Bucer in longissima pererga de exordio hæresis Lutheranae (hoc non est concordiam facere, sed anti- qua vulnera recrudescere) facit duas partes in Germania (hoc enim quærunt factiosi illi, schismata & partes facere) Primos statuit, qui antiquam religionis formam retinent, qui iure & iuste Catholici ac Christiani appellantur: nam

B etiam

Articuli  
magni nõ  
reconcilia-  
ti.

Fol. 99. 3

Fol. 2. & 3  
& fol. 95  
96.

Ruit fun-  
damentũ  
Buceri.

a a. ij. b.